

» un privato un dazio ; el lo prende sul sacro impegno della pubblica
 » fede. El fa le so spese, le so disposizion ; el sovran ghe taja el
 » partido, e ello ga da perder tutto ; e ello no ga giustizia, che lo
 » giudichi ? No la poderave correr in un governo tirannico ; manco
 » in una repubblica. Co ho sentido sta cosa, mi no so se in elle ghe
 » abbia fatto l' istesso effetto ; me son scosso tutto ; ho fatto traballar
 » el banco, dove siedevo. Ghe ze i mali, ghe vol rimedio : ma non
 » con una proposizion *de plenitudine potestatis*.

» El lusso el l' ha definido una materia accademica. Perchè no
 » se trova termini, che concilii ; per questo se ha da star oziosi, non
 » se ha da oppor rimedio ? So benissimo, che ze sul lusso dei trat-
 » tati : ma qua no se parla de sta parola lusso in astratto, se tratta
 » del lusso controverso : de quel lusso, che desola le fameggie, tol
 » la sussistenza dei matrimonj, manda tutto a soqquadro, e va sem-
 » pre più avanzando in maniera che, perso forse in question acca-
 » demiche el tempo, no se potrà più liberarsene. Se ghe parla de
 » lusso ; osservo per altro, e le me permetta, che ghe la diga, os-
 » servo, che nei matrimonj, che se celebra in ancuo, se va tutto a
 » roverso del lusso. I se fa con tal sobrietà, con tal segretezza, che
 » una volta i se averave credudo matrimonj ineguali. Una volta dal-
 » l' altar i passava alle sontuosità della celebrazion di un tanto gior-
 » no in mezzo ai parenti e ai amici ; in ancuo in mezzo a tante gran-
 » dezze ghe ze sta modestia ; ma no modestia, impotenza.

» Se ga ditto educazion de nobile, educazion de popolo. Questa
 » ze unida colla religion, coll' amor patriotico, coll' osservanza delle
 » leggi, coll' occupazion ai proprj doveri. Religion ze costume, reli-
 » gion ze servizio patrio ; tutto ze diretto dalla religion. Poco el ga
 » ditto del ministero, come nella prima volta, nè su questo el ga reso
 » conto, perchè nol voja la proposizion. Ghe ne parlarò qual cosa mi.
 » Bisogna, che le me permetta, che fassa un' astrazion, questa la me
 » poderave esser imputada a delitto in fazzo al sovran della Repub-
 » blica ; ma spero perdon dalla so clemenza in grazia del zelo, che
 » me ha animà a presentarme improvviso e non preparà.